

先秦—清末

《中國野史集成》編委會
四川大學圖書館 編

中國野史集成

錢鉞題



巴蜀書社

《中國野史集成》編委會
四川大學圖書館 編

	中
集	國
成	野
47	史

先秦—清末

巴蜀書社

目錄 (第四十七冊)

光緒大事彙鑑	一
清宮禁二年記	一三四
克復諒山大略	一九一
浙東籌防錄	一九四
中法兵事本末	三〇二
東方兵事紀略	三一三
中日兵事本末	三九四
中日議和紀略	四〇二
割臺記	四二六
戊戌履霜錄	四二八
戊戌政變始末	四八七
景善日記	五一二
庚子拳變始末記	五三九
拳匪聞見錄	五五一
都門紀變百咏	五五五
西行回鑾始末記	五七〇

庚子西行記事	六五〇
庚子詩鑑	六七五
拳變繫日要錄	七四三

光緒大事彙鑑

光緒大事彙鑑卷一

全州趙炳麟柏巖著

嗚呼中國軍事之失機吾必以甲申爲最自南關規復我師有戰必克越人內附法之政府方詰責國會軍餉幾至內闕使我贊廟謨者鼓勵將士乘機進取河內可襲而破也然後再訂和約則建威可銷無限之萌矣乃捷書朝聞和議夕上事會一失日蹙百里嗚呼是誰之罪歟述法越之役

法越之役

二年丙子五月雲貴總督劉長佑請慎邊防

法之經營越南也康熙時有閩爾倍兒者創立社會謀開

光緒大事彙鑑卷一

趙柏巖集

廣南商業由法廷使漢揆物來廣南闢芝林居留地又有教士在東京廣南間布教是爲法越交通之始越嘉隆王兄弟爭位走遍羅法教士許介政府發兵助復位事成訂約和親且割化南酬之適法政黨構難國民集義勇隊傾山岳貴族改革國會內亂阡陌議遂寢及越王宏文宏時繼立逐法將校教士道光咸豐間法遂擾越之南六省嗣德王立法遣外交官孟契尼來越越不接待法復進兵水師司令官格兒自化南港上陸占領西貢越求和割定祥嘉定三川流域界之償款二十萬佛郎同治間雲南提督馬如龍購火器西祥已革同知李玉墀乘法商輪取航道

越南寧海汎入紅江達滇越官阻之法領事徐普義照會
我副將陳得貴得貴札越官放行商船大副台僕依因至
北圻適法帝拿破倫三世派海軍大佐資得圖力探越航
路自湄江入口不便資死命海軍大佐安鄴繼之遇台僕
依漢口台言由富良江便遂集費開航路越廷拒之法遣
兵攻河內結越匪黃崇英爲內應我滇督劉長佑檄總兵
劉玉成知府覃遠璣等助越剿越招劉永福抗法斬安鄴
黃崇英於陣而越臣阮仲合者黨法力言戰不利和便越
遂以仲合行成立安南保護約以寧海爲通商埠代越權
稅東京越君臣未關白中國也長佑知越難未已上疏請

光緒大事彙錄

卷一 趙柏 錄

慎邊防 越云越南緬甸國原弱小勢復我微越南割地於法人咫尺之間儼然敵國
不固其禦外侮之侵兵甲不修雖爲小邦之庇臣擬俟餉項稍裕簡練精兵扼咽喉之
地備戰守之資與外藩近接聲援爲中國資其捍衛使彼無隙可乘窺伺之心庶乎稍
欽長佑籌防數年而越內政穢玩亂黨紛股敵終不可
扶持云

七年辛巳十月詔滇粵督撫籌保越禦法策

法謀越日急其政府向議院預計兵費議院籌兵籌餉殷
殷我駐法使臣奏聞之乃詔滇粵各督撫統籌保越禦法
之策詳細入奏 雲貴總督劉長佑奏云竊意防禦之道慎密爲先控制之方利
之中有控制之勢越南水路距澳門五十餘里惟廣州協營汛地與之連界海面向無
師船往來近年招商輪船運米越南則往來其然李鴻章請於商船往越之際添派兵

輪同往遊弋與會紀傳諸船數艘移近南服所見相同要領市鎮之便以漸移
入東京信德商之名分泊順化等處既可以遠駐聲威使彼有所顧懼更可以近探動
靜在我得爲預防再派得力大員隨時機密越王並令動息相聞則越南君臣縱不能
奮發自強亦不忍輕背 大德至陸路則廣西現有防軍駐紮越南邊境以助緝捕若
於現有之營添調勁卒於毗連之地暫設要防是備禦在無形之中與兵輪有相應之
勢不至取法夷之疑隨即可爲越國之聲援昨接慶裕來函現已籌增防軍與粵等所
籌正合若雲南僻在西南於越南交界地方從未設有防軍倘遠資列戍轉孤超人
之勢即如丁日昌所云添設關卡塔塞險徑亦恐外人得以藉口尤虞內匪乘而生心
第事變無常未可逆料若竟不爲戒備一旦變起倉猝始謀調兵遠赴則無以爲緩
之計更無以爲固圍之方等至愚亦惟有藉辦土匪爲名於廣安開化廣南各郡增
募練軍邊員統帶無事則勒加訓練以資巡防有事則相機應援以便調遣以現在情
形而論但能如此設防惟念法夷自據嘉定六省以來越南四境皆有商埠教堂悉其
橫行無所阻礙所顧慮者惟該國軍蓋久據要津今草盜勢亦稍戢故欲撤除之以
并其國自非中國提督越王必無以圖有然法夷其君臣漁其利已非一日取越
與否非有其異其所以處心積慮者乃在通商雲南先以圖越爲嘗試中國此之則求
開市雲南擬取越之設中國置之則且全據越境爲前進之謀此時稍失權衡即貽他
日無窮之患等再四審度以爲待其既吞越境爲守邊之計不如乘其始動爲弭
之謀滇粵三省與越接壤東西皆尾山洞相連連二千里叩關道狹莫可端倪要與

光緒大事彙錄

卷一 趙柏 錄

共勞費滋甚分之則恐勢弱合之又恐防疏若及此時籌撥於外則自三江口以至海
關一帶東西百數里其西北境之實光興化兩省現有越國副提督劉永福駐守以
中國兵力爲之禦敵東京兵聚而力省以視防守粵粵之邊勢過懸殊利害相遠然遠
以兵屯禦河內則有敢登自我之慮待其已變而始出境外援則有鞭長莫及之憂伏
念越南爲我藩臣及同治以來粵省疊次奉 諭旨爲之出兵助剿四夷所共知聞荷
皇上令總理各國事務衙門召集各國駐京公使并令南北洋大臣召集諸國領事乘
公會開示信義宜 列聖之寬大以動其心舉英法之公法以破其詐各國公使暨
領事豈無一二守正之人辨其曲直即法人之得指亦豈願以失和棄好捐津源各口
之利源幸而從之則賊兵不用之術也苟其不從則法法因啟釁之罪也曲在法國豈在
受其害移防邊之師於江邊而後不得以爲藉口之端用防邊之力於關外而我
東京而無失機之慮 始能抵東京惟水師則自廣州紅山前發舟順風二三日可抵其
能抵海關之口 始能抵東京惟水師則自廣州紅山前發舟順風二三日可抵其
海東府雲南之廣南開化雖與連境要皆其西北邊關山谿險峻軍行難速若取道臨
安府之蒙自由蓮花灘而南旬日始達其水尾等處又須八九日始至其東京惟自廣
西入境皆可七八日達河內請以廣西兵二萬爲中路之師而廣東雲南各以萬人爲
犄角若以廣東水陸之師自廣州而入雲南之兵出蓮江而東而別以輪船守廣南順

光緒大事彙錄

卷一

四

趙柏 錄

化港口斷其首尾法人必自全之理主劉永福請本粵西為賊首吳亞之為後與黃崇英構陷在廣西巡撫任內曾於越使回國時言其可用以辦賊後果就擒為賊國副提督曾以兵力拒戰東京今駐保州與滇邊河口相接應請 皇上諭旨王信用其人給其兵食並由 等爵為聯絡以忠義亦可以效指臂而助聲威第粵三路之師相去千里行有遲速勢難並進轉致疏虞非其事情不能利用命提督事皇上於南北洋大臣內特簡一員駐廣西為之督辦廣東雲南之軍並歸節制庶幾事權歸一暨息相通東西並進乘勢赴機可無遠涉失機之慮如南北洋大臣一時未便移動或即 命兩廣督臣為總統大臣其形勢較為利便於調度更易通達是否有當均候 聖裁自諸夷通商以來江海衝要皆為所向其未開市者僅西南一隅若其遠據越南遠規海粵則楚蜀之藩籬盡撤即英俄之外患益深深關天下大計 等愚昧亦不敢不盡其懷忱之誠惟貴南自平定叛回以來土民窮財力殫糧竭安頓化邊境其未解剿撫之黨往往逃出西貢趨附法夷志趨在在皆宜防務稍懈制兵備復五城外惟陳軍五千以之分佈邊境尙形不足此次發援出境務必增兵十數營方資調遣其兵餉所出為數較多相需尤迫應請 旨飭下現協滇餉各省源源撥解以資接濟勿復仍前延緩并飭四川督臣於現協各款外另行增撥若干按月籌解來滇庶可以充軍實而備緩急伏乞 皇上訓示遵行長佑又奏粵西諸國自於印度及新嘉坡檳榔嶼設立埠頭以後法蘭西之垂涎越南者已久門市西貢據其要害同治十一年復通賊黃崇英現取越南之東京案兵合謀思渡洪江以侵諒山諸處又欲割越

法人陷越東京毀其城而去

越匪蜂起法乘機陷東京劉長佑遺沈壽榕率師出關法

光緒大事彙錄

卷一

五

趙柏 錄

旋退砲毀東京城而去

十一月命出使大臣曾紀澤詰問法廷

紀澤反往詰辨議終不就 紀澤自光緒七年與法結界續續法置不月二十二日接到貴大臣是月十五日照會並貴國朝廷旨所擬辦理越南京事務條程據貴大臣稱於去年攻打東京時曾有貴欽使白君及直隸總督所請一切經奏明兩國朝廷云云但貴大臣所言係從去年十一月到今之事至從前之事未嘗一言提及此何以故查越南於西歷一千八百七十三年以前東京之地物早民靡從無擾亂自我國同治十二年貴邦至東京通商後民不安堵變故頻生致有去歲之事本欽使於三年前曾照會貴大臣謂貴國欲在東京干預一切小事將來必有釁端貴國置之不理嗣於去歲六月十四日又照會貴大臣以此事關係實大貴國務當三思嗣後屢次行文貴大臣總置不答直至本年上月貴國內閣大臣始謂其事我國朝廷以貴邦運運至此其誠不悅惟本欽使以既經議及頗深所慮固貴國所議條程中有不損兩國之權不損兩國之利云云乃諸自沿海經線二十一二十二度起至紅河之西者疆之北為止依此線線北為中國地界該處一帶據貴國已准不駐兵不開仗矣惟南界尚欲另議據云中國亦不能在該處駐兵並增築砲臺一切之事仍歸越南官員管

轉債有匪徒肆亂於兩國交界有不安之處兩國須商議或合劃或分劃事平後各即
退歸不准駐紮一兵一卒至紅河上游之雲南蒙自縣地方欲開通商口岸與中國各
斷難允其云云本欽使已將此理程奏明朝廷我皇上即降旨欽此照會貴大臣此議
易者實有徒紅河一帶向為中國船隻往來必由之路實與越南利益均沾一氣相
生之地在貴國以為中國保護保護雲南交界殊不知中國原顧大局越南是中國藩
服焉不干預其事然本欽使以上所云前者歷次照會俱已言之而貴國所請條程中
并未提及恐貴大臣或已遺忘不得不再行預告貴大臣若非遺忘斷不出此條程
耳但本欽使言之再四而貴大臣終置諸腦後竟若罔聞衡諸事理恐亦難辭其咎
耳至中國朝廷所以不能允貴國所請條程者原無足怪蓋此條程不過欲中國不
留紅河兩界之地及許雲南與貴國通商二者而已如此而欲中國允從豈非將二百年
所積貴國誠信利與中國則大損大壞為據本欽使所見若非依照同治十二年
前越南為中國屬國他國不得干預或所請條程中國得以就緒越南全境并無專
管紅河之說斷不能從惟中國朝廷未嘗不欲降心以就但據所請兩條中擇之或者
第一條所請西至老撾地方作為越員自管中法兩不干涉之處中國朝廷改二百年
服之制姑即貴國所請條程由南經緯二十度至廣平關一帶地方為界而以紅河為
通商口岸與中國通商各海口一例其地頭則祇准設於桑台對河之豐和關將來實

南中國亦不阻我保護之權則此事可以妥商一千八百七十四年我國與越南立約
簽名之後中國之兵亦即撤還兩國均深喜悅但自是以後越南盜賊繁多照所定
保護章程若有未足繼知中國總理衙門調兵前往北甯我國因思和約內本有可以
添兵至越南各處之說故亦添兵到越查照和約辦理我國理應保護本國之兵并
欲報殺我大將之仇且欲保護越南俾得永遠太平使各國均此通商故欲更取數
處新地今年在順化重與越南立約因九年前立約之後越南不能善為遵辦故取
為立約欽此遵照前約此事於中國並非新辦花樣法國之保護越南非自今年起一
千八百七十四年已然現惟重慶舊約而已乃因東京一舉本與貴國有不洽之意
當亦深知我心本大臣與前大臣同心一意沙理抹納古大臣七月二十五及八月十
五兩次函致貴大臣皆云此事必須妥商兩國邊界不失顯名本大臣於十月十八日又
函致貴大臣可知本大臣之意深願中國勿因我國有兵在彼而誤會其意我國之兵
亦不欲與貴國之兵相見於行陣之間接貴大臣交來文稿中國誠心欲和若不照本
大臣前此與大臣相商之法則殊覺為難來稿有謂我法不為之意恐此言係繆譯
之誤若照此言不能責我法貴國本國駐京欽差曾有電報傳來其中並無新語也十
月二十五日紀澤又致法外部大臣費禮函云本大臣與貴大臣辦理東京一事時時
留神惟恐兩國或有誤會之意貴國所云與我國之兵在河內一節未識本朝可能允
許但貴國官急須駐兵於越之桑台洪化北甯等處貴國既云願與中國不失和好何

以又欲駐兵其處殊難索解本大臣若不向外人探訪則貴國之意更不能明本大臣
明知貴國所請之事辦論之旨錄入公文頗為未便但前大臣曾於七月二十五
日致函本大臣云及議院所議欲以錄入公文本大臣亦已計之十月初一日議院議
事之時貴國大臣曾言近來法國欲整頓屬國故以東京用兵為急前在相臣所擬定
攻取越南等事皆深為合意并言欲向東京奄奄有紅河兩岸攻桑台北甯等地在貴國
固為得計但本大臣以此意告知本國莫不憤慨以為法人又出新意前此僅為越
王不遵和約之故今則又翻花樣人共知前貴國外部大臣巴的里迷因接本大臣
照會曾覆本大臣一函言及法國止欲越南遵依一千八百七十四年所立和約一切
奉行而已即貴國干卑德弗禮納杜格刺三大臣亦皆同此意若照貴國相臣所言
前任諸大臣皆以攻取東京之事為然則本國與貴國三年以來所商議東京諸事皆
屬無濟本大臣聞此說殊深感然既聞此說貴國之意從此可以曉然目下貴大臣
大異從前深喜保護小國今則名為保護而遽取其地現在本大臣惟願與貴大臣以
公文來往之言為信而不以相臣議院之言為是故本大臣宣明本國之意決不肯以
東京之法國也又十一月初一日法外部大臣費禮照會侯十月念五念七兩次
來文其略曰本國現在欲取洪化北甯地方殊為汲汲來函云十月初一日議院所議
之言為不合謂我法國另出新樣並云一千八百八十一年與前大臣巴的里迷曾言
法兵往東京不過欲越王遵依一千八百七十四年之約等語謂此為割白本國之
意實無變更惟照一千八百七十四年所立和約辦理一切悉與和約相合嗣因欲從

容奏功而不可得復有阻撓之人以致與師動衆然本國仍不改初意自昔至今無欲取東京土地之心不過欲重擊一千八百七十四年所立和約欲踐保護越南及來往紅河以與東京通商大局故前於十月初一日在議院言欲取東京亦無非此意而已歐洲各國與中國通商中國人民計有四百兆之多商務自必較大故本大臣之言自揆實自所懷大約貴大臣不免誤會茲本大臣重爲申明謂貴大臣無庸疑慮本大臣欲兩國不失和好故曾知照貴國謂東京分界之事但命兩國將軍經理可矣貴國似不以此爲然故貴大臣復議及前此六月念九信中之言謂以河內桑台及紅河左右分界但來函明言東京無中國之兵即有亦不過在交界之地是彼時未必盡有河內桑台及紅河左右分界之說也且六月三十日貴大臣與沙里挾納古大臣會晤沙大臣曾言及法國在東京之兵斷不致與華兵相攻緣法兵並無東京之北境者倘華兵近而相逼則法兵亦必以華相助越南力拒華兵如此則必致生事本國進攻東京始終一無異意倘兩國有交戰之事亦不與我法相干惟願兩國不致爭端則爲最妙華兵仍在交界處不過界相逼則法兵暨領東京一切亦可便捷而各國皆有利益十二月二十日紀澤又覆費大臣二十日來文略言本國深願與貴國妥爲商議俾本國與貴國之兵不至在東京開釁惟貴大臣初八日來文言貴國欲取桑台洪化北甯三處本國已有兵駐守若貴國有此舉則深惜東京一事不可復商前曾與貴國前在太臣相商欲在河內桑台兩處及紅河左右兩岸置爲兩國交界之地茲再申明前說緣我兩國股或交兵與萬國均有未便請貴大臣細心察奪可也

光緒大事彙鑑

卷一

八

趙柏巖集

八年壬午五月法西貢兵官李威利攻據越河內

光緒六七年間李威利覬越內亂謀併越以圖演礪聯約政黨持進取議法政府以新受德創越爲中國藩屬中國必力爭戰必劇難之李威利力言越弱中國無能爲政黨附之至是以兵五百攻越河內據之時土匪陸之平覃四埭方亂越境我記名提督黃桂蘭統左江左路軍候補道趙沃統左江右路軍剿之聞河內警無敢問者

六月詔雲貴總督劉長佑兩廣總督張樹聲雲南巡撫岑毓英廣西巡撫倪文蔚相機因應

七月命雲南布政使唐炯籌防駐蒙自屯數營白馬關防之

八月以吏部主事唐景崧宣諭劉永福

永福嶺西亡命州人聚二千人轉戰關外號黑旗兵時有

黃守忠者思州人年二十以八百人出關驍勇善戰俗呼爲

北江黃永福收之三分其軍守忠將前營吳鳳典廣西人左

營楊著恩廣東欽州人號騰輝右營復降葉成林朱泳清諸黨兵衆皆

泉健獷悍同治時河內之戰越招永福破法軍斬其大佐

安鄧及巨匪黃崇英黃崇英據衆數萬附法聲勢甚盛號黃名遂著越

王授以三宣副提督雲貴總督劉長佑奏請諭越王信用

永福至是景崧上書言綏藩固圉宜諭永福助討并云臣

粵人也與同桑梓請行允之景崧至山西永福來見感激

光緒大事彙鑑

卷一

九

趙柏巖集

受令

十二月大學士直隸總督北洋大臣一等伯李鴻章納法使寶

海分界通商議訂約天津尋廢之

越事棘議者以北圻之屯鶴三岐口扼要宜令永福據守

趣演與督撫派兵助規河內法兵僅二千大懼法使寶海

以分界通商說上鴻章開議天津訂約三條越以紅江爲

界分任保護并許通商演境疆臣言路執不可法遂撤寶

海回國廢前約

九年癸未二月法人陷南定

初黑旗驍將黃守忠欲進兵十州道九龍直搗西貢以解

北圻越將黃佐炎贊之尋天津開議慮永福梗欲移屯守
忠遂不進永福觀望而滇粵各軍詔止深入駐諒江待和
議法乘機攻南定陷之

北圻五大省河內南定北寧海陽山西是也南定尤險富石兩海口一巴辣口一遼海口富良江自

三月命廣西布政使徐延旭出關籌邊

詔兩江總督左宗棠籌畫邊防

宗棠請飭王德榜偵探法越情形募廣勇數營駐滇粵邊
界以待緩急并自請出關詔止之

四月命李鴻章赴廣東視師鴻章駐滬尋命回天津

鴻章奉命至粵而駐滬朝議非之副都御史張佩綸號敢

光緒大事彙編

卷一

十

趙柏巖集

言排鴻章尤力鴻章幕客薛福成者以能文與佩綸善為
遺書解之

書曰法廷四月初遣使赴越將通越王費略以東京水師法兵距守
懼而喘越受盟中國進退失據祇有將援軍撤回尙復何說伯相自宜駐上海示可南
可北可和可戰可進可退之勢宜速集所調之師軍輪船陸續運至廣州迅於法使未
到預張聲援越君臣氣壯劉永福心堅牽掣無形法使自尋朝命鴻章回津
飲或且徐示轉圜此越南存亡呼吸之機不容刻緩者也

法使德理固至滬隨鴻章北渡開議天津德理固要挾萬

狀議兩次不就

越南三宣副提督劉永福大破法軍於紙橋斬其兵官李威利

紙橋者小橋澗水橋東二里卽河內城永福營西三里令

黃守忠夜襲城外焚其教堂法嚴守不得進楊著恩請當

前敵永福戒曰戰洋人毋急急必損著恩曰見洋人能忍

者非人也法兵傾城出戰著恩聞報全營不待飯馳赴敵

永福禁之不及乃令吳鳳典伏道左爲奇兵黃守忠扼大

道迎敵爲正兵自率親兵自後督戰著恩至紙橋分其軍

三一據橋旁闊帝廟一列廟後自帶親兵當大道右軍甫

列而法兵布滿橋東鏡廠廟中槍砲雨注瓦飛棟折礮煙

蔽空有四畫巨酋勒馬登橋爲右營火筒礮擊落橋下人

馬俱碎法隊退席地吸酒醉復起十人一隊連環施槍魚

貫過橋前僵後進不少避著恩前隊潰於廟二隊接戰力

復不支法兵一抄廟後一走大道夾擊著恩一彈洞著恩

雙股左右尸疊親兵掖退怒曰大丈夫寧進死不退生強

光緒大事彙編

卷一

十一

趙柏巖集

起折右腕坐地輪開十六響手槍斃法兵十數人忽飛彈

中著恩胸遂亡軍亦潰法兵直驅大道黃守忠前隊接戰

二隊馳援將敗守忠誓死戰鳳典道左伏起橫衝法軍永

福聞著恩被圍馳至闊帝廟適包法軍之後守忠扼其前

鳳典衝其中法陣大亂遂敗五畫巨酋李威利中槍坐地

黑旂兵殺而鬻之是戰也斬四畫至一畫兵頭三十餘人

兵二百餘傷者無算獲槍械馬疋刀劍鼓角時表遠鏢稱

是

徐延旭駐兵諒山尋至北寧唐炯駐兵山西

延旭率粵軍出關以黃桂蘭趙沃分統之炯率滇軍出關

以張永清林大魁分統之諸將待和議戒深入越南險要
多爲法據初中國許濟永福餉械徐延旭令助兵四百槍
二百兵至者僅百人槍皆朽腐不可用

五月法福輪擊山西劉永福戰退之

山西爲雲南門戶犄角北對法人欲據以扼永福歸路自
紅江駛兵輪三艘攻山西永福營臨江十里而無扼擊砲
臺法船進喝江永福以貢生李唐率板船六邀戰板船低
法砲擊不中戰三時始退

六月政府議開放紅江爲萬國通商地不果
越南王阮福時死以堂弟朗國公嗣位

光緒大事彙編 卷一

十二

趙柏麟集

七月法軍攻永福臨河戰退之

法陸軍分五股自懷德進撲永福軍以四股分攻前左右
武烈各營以一股踞大道窺永福坐營又駛兵輪九艘攻
河岸礮臺之武焯營兼出奇兵沿岸直上武焯離坐營十
里許永福率親兵迎戰大樹下敵槍如雨永福戒其軍毋
輕發槍堅伏以待敵輕武烈新軍逼攻極緊右營韓再勳
分兵救之海防帶水裔爾赤率客匪助法戰客匪者多廣
東嘉惠人貪重募而來者也法見黑旗不動未敢進客匪
白旗忽進忽卻少頃永福令發槍馳出敵合五股並攻大
道永福前於大道築堅牆右營奮力憑擊敵氣沮退懷德

喬爾赤負重傷遁而河干武焯營鏖戰未已槍彈告竭黃
守忠帶隊往援河漲驟發漫及炮台武焯營葉成林等遂
拔隊行

法人決隄灌永福營

法陸軍退懷德而兵船泊河干燃炮遙擊時秋漲怒發法
復決隄灌營平地如江河永福移屯丹風景崧及桂軍統
帶黃雲高田福志皆移軍山西城內

法軍攻永福丹鳳戰退之

法以兵船六艘攻丹鳳陸軍千人循隄進丹鳳四面爲喝
江環繞兵船乘夏秋漲自紅江入也長隄直通河內黃守

光緒大事彙編 卷一

十三

趙柏麟集

忠據隄迎敵亡三哨弁死兵卒數十守忠握刀坐地不退
隄狹彈密敵避隄下守忠亦趨隄下兩軍僅隔隄數尺船
礮俯擊劉營炸彈雨注越將黃佐炎營有三千勛巨炮永
福請發之六響中五兵輪始退隄下法兵乘大雨驟奔守
忠麾兵追之斬八十餘級而守忠精銳亦多損亡矣是戰
也黑旗兵窘甚有議退者適桂軍統帶黃雲高田福志自
山西省垣率師來援而雲南解逼碼一萬踵至氣復壯遂
退法師

八月法人陷越南富春越王協和氏及其外部大臣陳踐誠降
法求和定約宰相阮說啟太妃廢協和立阮福昇

法兵自懷德敗後馳兵輪至富春攻順化海口阮說督兵力戰大敗法兵入越京協和氏與陳踐誠求和法營立約二十七章政務稅務皆聽法干預越永爲法保護國人不平說遂敗太妃廢協和氏立阮福昇抗法嗣爲法使霍樂滿所囑遂簽咄詔其樞密院諭將罷兵

命廣東巡撫倪文蔚廣西巡撫徐延旭督飭各營聯絡聲勢扼北圻要隘

越京既陷延旭等奏稱月解劉永福餉五千助討自率桂軍駐扼山西相機規河內仍用黑旗號幟免礙交涉延旭又請明告萬國宣戰速定大計

光緒大事彙編

卷一

十四

趙柏巖集

越南北甯總督張登壇高諒勦撫使梁俊秀等起義勤王

富春警報至北圻大將黃佐炎等遷延莫知所措登壇倡議勸王力任濟我軍糧俊秀集四五百人圍取海陽永福亦擬兩路進兵直趨青威伯陽規復河內廣安省之大黃邨民集千人誘殺法兵法兵往攻擊殺法兵數百遂自焚其廬舍以遁

九月法人以兵船至我廣東尋衅法使脫利古自滬來天津要索

越南甯平巡撫阮尉迎降法人入據之

尉接罷兵諭迎降法人法兵入據甯平甯平接壤河內山

西興安等省扼南北圻衝至是富春消息不達北圻矣
欽差大臣彭玉麟至廣東督師

脫利古來津要索聲言大隊兵船將與中國開衅遂命玉麟至粵會同張樹聲裕寬安籌布置南洋海防責成左宗棠北洋海防責成李鴻章又令吳大澂統吉林練軍三千來津候調玉麟聞命卽附輪至粵慷慨誓師乘小舟巡閱各口部署井井有古大將風

雲南巡撫唐炯自撤師入關

初唐炯爲滇藩時上演督岑毓英書言宜欽兵入關以北圻委劉永福資以餉械俾自爲守在我不過歲捐四五萬

光緒大事彙編

卷一

十五

趙柏巖集

而法人終必爲永福困以視勞師開釁利害不侔毓英奏于朝薛福成爲文譏之曰西洋風氣剛則吐而柔則茹中國斂兵入關顯示之弱法必吞併全越彼知中國畏事而無遠畧也滇粵邊鄙必難久安各國亦將環視而羣思蠶食矣至是炯擢滇撫竟以入關受代爲名不請朝命全撤滇軍入關

十月法易置政府

法越之戰多主持於下議院其院員多少年喜事窺知越弱中國官素無遠大堅毅者持之力而政府務持重深知法國方受巨創債重民斃力主和平至是唐炯盡撤師入

關窺見中國無能爲而越事已成騎虎遂解舊政府任置
新政府定議決裂我駐法使臣卅紀澤奏其情形於朝
命雲貴總督岑毓英出關督師
令劉永福規河內

朝廷知法廷戰議定以河內爲北圻門戶令永福攻拔并
賞銀十萬而滇軍撤回山西守空趙沃忌永福功媒孽於
延旭扣其賞銀不發永福遂藉詞守山西不進永福自是
知中國情弊齷然無關志
桂軍統領黃桂蘭趙沃令其營官陳朝綱黨敏宣率四千人襲
海陽梁俊秀率義兵助之入其城尋爲法戰退

光緒大事彙鑑

卷一

十六

趙柏巖集

令王德榜率師出關

初左宗棠請令德榜出關諭令候旨遵行至是邊防喫緊
恐兵力太單德榜尙在永州卽令統所募八營出關歸延
旭節制

法人陷興安越巡撫

死之

興安陷永福以山西喫緊獨力難支請調興化鎮軍以爲
援助唐炯不應

十一月法人陷山西我師敗績

初徐延旭表請宣戰談兵侃侃聞者壯之而病昏怯且爲
趙沃克敏宣蒙蔽漫無布置至是法以陸兵三千兵輪十

二艘民船四十艘大舉圍山西永福景崧告急北甯不應
景崧強之乃令張永清率張世和莫矜智三營援牛老弱
永福景崧令黃守忠全部暨吳鳳典左營駐東門外連美
朱泳清帶武燾營正副兩營駐東門口爲先鋒韓再勳右
營胡崑山武烈營劉榮鼎七星四營及景崧所部之李應
章一營駐北門外李唐一營及景崧部之賈文貴牛營駐
南門外張永清三營駐西門外景崧駐城內永福駐城外
分任督戰城外築牆抉濠以爲馮蔽越撫張恆報法傾
河內兵圍山西議者欲乘虛搗河內山西危自解河內可
破滇粵諸將無敢進者法兵自東北陸路擊北門船桅懸

光緒大事彙鑑

卷一

十七

趙柏巖集

大砲擊城中戰數刻法兵據城外民房永福令守忠風典
泳清自東抄北繞敵後隔溪水不能進而隄下砲台爲敵
碎一彈入我軍砲台砲裂我軍潰敵遂據我壘壁登河隄
隄與城齊緊接北門我軍遂無出攻路屢請援北甯遣黃
雲高尙國瑞兩營至主客軍多不治永福調黑旗全軍入
城內相持兩日夜法兵大攻北門懸巨砲西門外古利藏
城城中教民應之法人入城永福軍潰走不拔
走枚支滇桂敗軍所過擄掠姦淫備至越民苦之
令侍張佩倫主事向李鴻章問戰和大計鴻章奏曰臣惟中外交涉每舉一事動關
全局是以謀畫之始斷不可輕於言戰而敗挫之後又不宜輕於言和劉永福以新集
之軍隔河而守山西本是危道殺傷相當棄城走險疆場勝負彼此何常此亦未足介
意即前或運犯北甯三面受兵勢難守然我兵終無渡罷之理也竊謂關外進止機

官應請旨以委之舉誠英選戰守惟利是視不為遠制就其愛惜之端地以得
理處之法豈可置風風會幸撤防使法我內快要狹多端增海各國彈師之漸
敵夫南宋以後士大夫不著知兵無事則矜憤計戰一敗則恒憊首和浮議喧騰終至
略者恒勝足知制敵之奇終在鎮定伏願朝廷決計堅持增軍善備內外上下力肩危
功不以一勝一敗卜廟算之是非與敵久持以待機會新則籌邊制勝之要道矣至
津防為京師門戶尤係強心臣練軍簡器十餘年於茲徒以經費太絀不能盡行其志
然隨敵因應尚不至以孤注貽君父憂伏乞聖明加意籌畫以法船到津決和為慮
臣事君治軍惟失一誠輸寫愚忱請多
越局無任懷惶之至

越人弑其君阮福昇立前王福時繼子 嗣

岑毓英遣總兵丁槐屯興化

槐掘地營作方阱深六尺大小度地勢為之阱內四圍密

光緒大事彙編 卷一

十八

趙柏 嚴集

豎大木出地尺許開槍眼上鋪大木覆土取其低不受炮
遙見不知有營也阱背為地槽通入阱阱口有柵一人閉
柵坐則阱內數十人不得出既避槍炮且免逃潰或迴環
掘數營皆於地下開槽彼此可通互相策應水米藥彈均
儲其中又於地營外開曲折明槽人頂齊地寬僅尺五長
一丈即轉以避炸彈明槽以護地營恐軍在阱中不知敵
情也地營三丈外用槎枒樹枝以藤纏之密排三層是謂
鹿角所以防敵衝突四圍埋地雷離營二十餘丈

十二月欽差大臣彭玉麟請暗結暹羅襲取西貢並阻和議
道員鄭官應因王之春言於玉麟謂暹羅國王鄭氏惡法

光緒大事彙編 卷一

十九

趙柏 嚴集

取越逼已有助我謀法意官應與暹王同鄉族誼頗善請
說暹王出師襲西貢以為奇兵玉麟上其事於朝力阻和
議密旨允行官應後至暹羅我師皆敗退入關議遂寢
光緒二十二年法謀暹羅英已占領緬甸出而干預兩國限暹領土至滿奈河流域
止使當日我與暹同心誠慮兩國皆謂恐未可萌發玉麟奏云蘇聯法夷吞暹越兩占
關西貢已二十年現復由河內奪占實泰山西北圻勢頗危急其區迫越人立約欲中
不預紅河南界之地及許在雲南蒙自縣通商而保固我領土五金之利不特
軍事邊境不能解嚴即廣東天津亦未知繼防何日彼以虛聲我以實應數年之後彼
於奔命必至財力俱窮而後復思難繼不安席坐奉 寄諭飭各軍堅守北圻以固滇
粵門戶然自唐炯無故退兵永福大受其累旋至山西不守前奉寄諭飭總理衙門照
會各國告以法如侵及我軍駐紮之地即不能坐視等語然昨准廣西撫臣徐延旭來
函謂月十七日法夷攻犯山西正官軍駐紮地也該撫滿布竟敢直前進攻是彼族業
已明目張膽無所顧惜刻下滇粵官軍分途進取皆非是正而文章必須用開出奇則開
生面以假虞伐虢之謀為國效教道之舉大局既有轉機粵端生機願後下計此之謂
也據臣軍營務處候補道王之春密稟現有三品銜選道鄭官應廣東香山入自幼

從海船運越南暹羅新嘉坡等處熟悉洋務現辦上海招商局及織布機器局南北
電報局與王之春共事有年每談及法營賊越等語憂憤憤憤云暹羅國王鄭
姓廣東人尊教中國用漢人為官屬現有掌兵政者六人如中國之總督皆粵人也其
人夙重鄭與鄭官應熟識及法越之事亦為不平且引為伊國切膚之患伊國與
暹羅極東邊境為英國所屬者日新嘉坡地極富庶粵人居此者十餘萬中國設有招
商分局即西貢現亦有分局分屬鄭官應所司擬懸重賞密約兩邊壯士俟暹羅
國兵到時舉火內應先奪其兵船焚其軍火以期聚殲此二端似有把握惟未奉 朝
旨未敢舉動私相款息而已今疊奉 諭旨明示決與法夷決戰鄭官應恰有信來
求為策調由滬回粵親赴暹羅西貢新嘉坡等處密約布置機有可乘等語臣查越南
所部日富存而法廣南嘉定為西貢即西貢也距官存千餘里法營賊越以此為根本
據接連暹羅考圖志雍正乾隆兩朝先後 賜御書匾額於暹羅日天南樂國日炎服
屏藩乾隆三十六年暹羅為緬甸所滅遺臣鄭昭粵人也復土報仇崇推為主昭卒子
華嗣五十二年 繼封暹羅國王十年一貢其人止尊中國而不知有他國用漢人為
官屬理國事掌財賦皆粵人為多與鄭官應之言皆相照合則其言可信矣又查明
歷中不秀吉破朝鮮時暹羅自請出兵掃日本以報其後漢撫陳用寶約暹羅夾攻
句頗疲於奔命遂不復內犯永歷困於緬運緬甸兵攻緬以援李定國之師其忠於
明者老乾院中緬甸不臣得漢夾攻而緬始納貢阮光平黎氏發海盜寇東洋及

卷一

趙柏齡

通鑑紀事本末卷之八十五
能取乎復能守蓋西貢爲越之南圻係嘉慶初阮福映兼并占城及真臘北境非安南故土志稱安南南北三千七百里東西一千五百里係專指北圻首也阮氏有西貢而不能守被法人奪占片二十餘年遐邇聞之阮氏豈能復知以竟南北洋大臣奏留致材而駕彼人已現附片奏調鄭官應伏乞 飭用電報傳知以免南北大洋大臣奏留致稽時日時天津和議未決玉輝又奏曰昨臣正封摺間接獲臣張樹聲賊款總督得悉署直隸督臣李鴻章方與法酋議款聞之不勝駭異伏維法夷犯順率上同仇臣昨奉光緒十年三月二十六日上諭勦匪等語嗣經精神竭誠籌辦防務臣當宣示各軍莫不踴躍奮呼激昂思奮力肅數目而忽有請欺之舉得明阻赴義之心而蔽敵懷之氣況今日法夷有斷斯乎不可欺者臣素愚陋忘其冒昧有不合已於前者請爲皇太后 皇上——陳之法夷無端生計殘我國及我出師保護又復肆其家突

卷一

趙柏嚴集

因事激憤之案層見疊出亦見民間不平之氣不可遏抑越南劉義亦中華民也豈伏荒裔自全不暇猶能尙義屢屢法夷各省山陬僻壤不乏英豪聞與夷戰莫不聽雞起舞舞共發雄心願效死力此察民情而可省者三也查萬國公法有可斷取者在戰分義與不義一節如與戰不義傷害天理不獨可以理喻且可以公力正等情深與齊人戰分義之議暗合亦足徵萬國之公也我朝廷一面通飭各省督撫臣大張議論於通商和好各國極力保護專與法夷絕好准各義民誅其天主教主士燬其天主鬼樓罷其駐京法使撤其生靈碼頭既消萌蘖不虞支蔓此探公法而可戰者四也語云師直爲壯曲爲老今兵端自法夷開窮兵黷戰掠地爭城欺侮太甚實爲萬國公法所不容宜歷數神法夷罪狀布告中外使咸知理曲在彼直在我不得已而用兵伐罪明有日月幽有鬼神共鑒此衷應蒙默佑此卜天理可戰而決必勝者五也由此五可亦人人知之備矣此機宜恐我中華水無自強之日其將如天下一後世之非議何伏乞我朝廷乾剛獨斷嚴飭沿海各疆東及各將領防務不可一刻稍懈尤須洗心易慮臥薪嘗膽各矢天良修不借作憤切同仇以與法夷從事臣雖衰朽無似斷不敢惜此綑紲殘喘稍存畏惠尙當樂舉將士爲各軍先惟宜和宜戰大局攸關聖明洞鑒自有權衡原非臣下所取妄議微臣老病昏眊在軍中謹冒昧將所有不可欺而可戰緣由披瀝附片具陳不勝惶悚待罪之至

十年甲申正月岑毓英軍家喻關距興化三十里

詔趣滇粵軍入富春毓英奏止之軍萬人家喻關尋至興化廷旨諭滇粵聯絡聲氣固守北甯而山西陷滇粵軍報中梗三江口又爲法據愈隔絕廷旨又促劉永福戰而永福鑒前此官軍牽掣致敗請毓英曰官軍宜爲一路以一支出屯鶴一支逼廣威永福自當一路渡河傍山而下永福主分毓英主合計久不決而丁槐亦忌永福永福愈首鼠

二月法人陷北甯我師敗績

徐延旭自屯諒山以統領桂軍黃桂蘭趙沃等守北甯桂蘭不知軍事沃昏庸貪忌二人互猜忌延旭爲沃姻親唯沃言是聽全無布置距北甯五十里有片驛關又名片驛者扼北甯水陸要隘延旭不屯兵爲法人據尋聞法將攻北甯沃始欲以揀卒三隊規之爲教匪戰退又嘉林之鉢場扼諒江湧球入口所以固北甯後路亦棄不守法據之築砲臺其上北甯險要盡失僅賴孤城法人先攻陷扶良扶良爲陳得貴李極光翟世祥覃東義各營扼守法人來攻得貴戰半日馳騎乞援北甯久之乃遣韋和禮率三營出至半途而扶良陷乃回守北甯四十餘營分駐攬山慈山桂

法人攻諒江我師敗績

陽新河左河六頭江等處沃所屬之党敏宣八營預避六頭江外累檄不至守城者僅桂蘭部之章和禮黃玉賢李逢楨尙國瑞黃雲高賈文貴六營駐城外將大彰一營黃效賢兩哨駐城內法兵大舉自扶良進攻桂蘭沃各率親兵督和禮國瑞雲高文貴四營拒戰十里外劉永福奉檄救北甯駐慈山觀望黃守忠見四營苦戰欲以黑旗麾兵接應永福呵止之曰我困山西彼不救我我何事救人未幾法兵輪入湧球守湧球提督陳朝綱聞砲即潰法置砲高阜擊城中火起軍民譁奔越督張登恆開城遁法兵入城桂蘭沃走太原延旭請斬陳得貴党敏宣徇師

法乘勝攻諒江我軍于德富甘乃斌李定勝管文治郭湧泉等敗退提督王(子鈞)鴻訓統綏南四營屯浪山間諒江警退屯耶甲之左溪法復攻左溪綏南營不戰而潰三月命湖南巡撫潘鼎新赴廣西視師尋調補粵撫四月廣西巡撫徐延旭雲南巡撫唐炯以喪師罪被逮

軍機大臣恭親王奕訢大學士李鴻藻寶鋈尙書景廉翁同龢等以越事調度失宜能政以禮親王世鐸尙書額勒和布閔敬銘張之萬侍郎許庚身孫毓汶爲軍機大臣大事曰醇親王裁決禁酒盛燒號伯照燒論法越戰事不利由我政府措置乖方故太后震怒怒易之

先是鴻章屢受切責竊疏辨之

光緒大事彙鑑

卷二

$$\frac{1}{2}$$

趙柏巖集

約認爲保護新時中國固有內寇未盡詰問法人以中國向不務遠略誤謂議案已定遂設漸占越南矣光緒六年間法人發兵營勦端促大露中國始悉其隱謀陳陳保護越騎虎之事勢以難設地不留餘步其爲謀固其志也識如法人善銳積愆已非一日不得已而派兵分駐越境其事雖自朝廷主之臣之愚見亦謂借防邊爲名隱掣法軍之勢不難操機講解使彼此可以收場適法因前使寶海有分界保護之讀不知相持既久必致決裂因與訂約三條以期稍有結束乃外面輟臣內而言路皆大不以臣言爲然均謂越地必不可分通商必不可允而法之政府亦不肯違約竟撤寶海回國於是越南之患愈熾而愈棘矣自昔艱難之世諸論愈多則是非愈淆而任事者亦愈無把握迄於今日西洋各國紛至沓來尤爲千古未有之奇局其中得失利病非閱歷有素者驟難得其要領即如瓊境通商他日辦成決無大損可於各海口通商之事見之法人既得越南必不遲遲還粵但使安訂約章定能永久相安可於中俄交界之事見之至於藩邦見創外侮交乘實奮兵自強式遏敵愾乃爲正理惟用兵必須訓練西洋各邦皆以數千年之戰國研究實兵理精益求精中國風氣初開未必各省多得勁旅用兵必先裕餉西洋試說領重往往什取三四一遇戰事富商集餉動逾千萬中國財力已殫未必商民盡輸餉餉而船艦之精火器之利遠遜西人尤其餘事既奢勢而財力不能不待重而待時去歲廣西撫臣徐旭他慷慨獎發省餉欲盡蠲法案克復西貢乃未幾而一蹶不振臣未嘗不壯其志而憫其不知彼固不達時宜也臣於去夏奉旨

光緒大事彙鑑
卷二

四

趙伯機集

赴粵視師當時起自田里驟無可措之軍暫駐上海籌調兵餉適法使德理岡來議越事未及就緒德即北行秋間德理岡復來天津會議兩次彼時德理岡氣餒較盛壓挾越多不能違口必諱亦恐朝廷欲得越南始終不少鬆動德竟允其將駐紮全軍先如退出不惟違口必諱亦恐朝廷欲得越南始終不少鬆動德竟允其將駐紮全軍先如智與磋磨徐待其變故臣於山西不守之後向主堅守北甯之議此臣前核辦理越事未敢遽廷親望亦非敢畏葸因循也諭旨責臣以竭誠籌辦今日時勢如此志斷不能如前歲與寶海所定三條之妥然誠能速與議結猶可比的之過險而自退見風而收帆凡事慮敵之要挾不如行之於敵未要挾之前謂其意之自我出也凡事畏敵之決裂不如先示以我無決裂之心俾其計之無所施也詳譯稅務司德瑞琳與法總兵福祿諧之意如臣等擬議處置得手則不貽後患不久自能兩居或他日可以辦到中國款能先將此案以其間暇遞將練兵通商籌商造船箇器中外同心切實經理何嘗不可伊雄於各國惟是事平之後有志之士當其臥薪嘗膽謀求實事不宜復向空談不互相掣乃有約束自土之概至目下法越之事德法固總力仰副聖訓然臣等固不能盡如人意將來遠地分界必有以分地太少為言者環境通商必有以通商宜巨為言者其他險目不才指摘必多臣等所寄固當順安其真而不敢有辭力當其衝而不敵其難但恐意見各歧則謀議難定枝節漸生此一端也法為歐洲強國而議院各派持論每有異同今換其本計斷非必欲失相於中國難保無傾邪算事之徒創創新

大 事 彙 鑑 卷 一

四 趙 伯 嚴 集

至是法水師總兵福祿諾來津議鴻章與定草約五條奏

行之 諭旨奏曰竊臣奉十年四月初十日上諭目前最要者約有數端越南世修職
貢爲我藩屬不能因與法人立約致更成愆必與之切實辨明通商一節若
在越南地面五省尙無不可如深入雲南內地志趨粵通行將來意中豈可遂多至應預爲杜
絕劉永福黑旗一軍屢挫法兵爲彼所深懷恨志驅除不在意中豈可遂多至應預爲杜
法人發佔越南岬自彼間我無失租之意若再素慎矢除不特情理所必無亦與各國
公法頗背以上各節均與大局極有關繫李鴻章照此重任宜如何竭力圖維預籌辯
論等因欽此仰聖明指授機宜訓戒精切感悚莫名伏奉四月十四日諭旨抄示
廷臣議覆各摺令臣迅速覆奏等因法國水師總兵福祿諾到津於十二日來見所有

其恭代進呈御覽十五夜接准駐劄衙門電稱奉旨詳加披閱均尚無傷國體事可允行該大臣即照所擬辦理嗣後詳細條目務當悉心籌畫毋滋流弊欽此先是福祿諾與臣議訂條款即應辦理嗣後外部詳細條目十五日午刻該總兵接其外部大臣費理是日辰時覆電云奉國旨于汝全權無須提督利士比來津准即與李大臣會商等語彼此以條款已就無可改易疊疊備查押定額適臣亦奉電旨准即與李大臣押定辦理原諸五條遂加討論酌改前後款式并按照洋文約款內字句有畧異增損之處與福祿諾詳印確載定稿寫成快達於十七日申時齊集臣行館校對中法文義無訛公同覆押蓋印各執一本為據謹將約本封送軍機處備查仍照條清摺恭呈鑒覽竊維法越之事自光緒七年以後曾紀澤與法外部沙美拉古費理等總理衙門暨臣與法使寶海脫利古等往復辯論勢必登益軋均無成議意變疊疊逾逾山西北青失陷法議大張越南臣民望風降順事勢已無可為利和局幾不能保茲幸聖朝德威遠被由法人自請講解其始願望未嘗不嘗要求未嘗不可為利輕臣反復斟酌迎機勸導彼亦漸就範圍如論臣所云體實一而令約內第四款法約明現反置折損機勸導決不插入傷碍中國威望體面而守并將以前與越南所立各約關涉東京者盡行修廢蓋因臣指明法越甲戌約內不為何國皆無絀居去年新約有大清國不得預及越南之政等語顯與甲戌約內不為有礙必須刪改據福祿諾面稱已電告外部今現往越南改約之巴德諾照議劃除彼器不明認為我屬邦但無此等違悖語意越南豈敢黏詞責耶又論臣所云通商一節今約內第三款許以毗連北圻邊界法越與內地貨物憑憑運銷並約明日移另道使臣詳定詳細商約稅則其北圻邊界必不准深入雲南內地明矣齊向來紅江上游中外商人運銷貨物出入憑境往來不絕本末奇禁將來互市一節該國上下虛心積要設稅稅安立章程似覺無其流弊又論臣所云兵費將來互市一節該國上下虛心積慮本欲說索兵費六百萬磅即各國新報私稱皆為是言臣所聞稅務司德瑞琳道尙馬建忠等多力開導復當面嚴詞壓色力與駁斥今約內載明情願不向中國索償倘局恭順得體足以風示各國中國許以北圻邊界運銷貨物為有益法國商務俾該外部得藉以調練紳亦為中國和好互讓之據至劉永福黑旗一軍從前乘法兵東勇之時海軍法將法人根之切齒必欲報復上年曾經紀澤法與該外部商論由中國設法修條酌量法廷延兵根之切齒必欲報復上年曾經紀澤法與該外部商論由中國設法在劉永福募四千援北齊人不戰而潰其禦大敵何法也華人專深中資貪欲倚以制法人固深知其無能為役此時福祿諾未提及我且不便深論將來該國另派葉臣若議及此當由岑毓英潘鼎新酌定安置之法惟目下和議已成法兵必無翻覆法兵必無翻覆撤撤桂邊防各軍亦宜及早切實整頓凡不得力之勇費應逐漸裁遣法無用而節用劉永福所部允羅羅民與越民為仇實為邊境後患提議旨密飭滇廣西各撫臣嚴明約束酌加減法預籌安置策陣無生事海楊則保全者多矣誠福祿諾云此約欲消釋中法將開之衅端為救急止兵起見其餘詳細節目應俟該國另派大臣前來會商該外部初次電覆此約應由議院批准本日續電又云押定條款

閏五月以津約議定詔邊帥三月後撤師
法人攻桂軍於諒山我師擊敗之

和議成而法猶出兵巡諒山黃玉賢統桂軍屯諒山觀音橋止法毋入諒法擊我師玉賢及黃雲高李應章陳世華等率師禦敵法大敗斬數十級獲器械馬匹無算

以大學士恪靖侯左宗棠參預機密
宗棠年七十有勳望總督兩江以目疾乞休尋愈命在軍
機大臣行走宗棠梗和議薦提督黃少春羅大春率師援
越疏云法人素性叵測反覆無常微臣再四籌思疑慮莫
釋頃接統領定邊楚軍王德榜電稟法人果又蠢動招匪
盜六千教匪一二萬法兵數千領之分兩大股一往宣光
保勝一自北甯入諒江又分兩路一犯觀音橋長慶輿軍
一犯王德榜谷松之營各軍請戰潘鼎新諭令毋得生衅
并聞宣光失守法人講和不足信而緩兵之伎倆畢露矣